

Sarajevo, 30.05.2023. godine

## **Skupština Kantona Sarajevo**

Admela Hodžić, zastupnica u Skupštini Kantona Sarajevo

KANTON SARAJEVO

SKUPŠTINA KANTONA SARAJEVO

VLADA KANTONA SARAJEVO

### **ZASTUPNIČKA INCIJATIVA**

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo“, broj 41/12-drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka) podnosim incijativu Vladi Kantona Sarajevo da se na isti način kao što su do sada subvencionirali troškove potrošnje plina građanima Kantona Sarajevo u narednoj grijnoj sezoni subvencioniraju troškovi nabavke energenata za zagrijavanje koji koriste ekološki prihvatljive energente kao što su drva za ogrijev, pelet, potrošnja električne energije i svi ostali ekološki prihvatljivi energenti po principu po kojem je Vlada već subvencionirala potrošnju plina. Naime, energenti kao što su drva za ogrijev i pelet poskupjeli su kao i plin preko 30% ali se do sada građanima Kantona Sarajevo nisu subvencionirali kao potrošnja plina, te su prouzrokovali svojevrsnu diskriminaciju Vlade prema građanima koji za zagrijavanje ne koriste plin i koji su korisnici usluga Toplana Sarajevo.

### **OBRASLOŽENJE**

Na fb. stranici Vlade KS bilo je postavljeno obavještenje 17.02.2022. god. da intervencijom Vlade KS: Nakon poskupljenja plina za 37 posto, povećanje cijene centralnog grijanja neće biti veće od 10 posto odnosno cijena centralnog grijanja korisnicima Toplana u Kantonu Sarajevo od februara će biti uvećana za 10 posto. Poznato je da je Vlada već ranije donijela odluku o subvencioniranju potrošnje plina. Vlada Kantona Sarajevo donijela je istog dana ovu odluku shodno svojoj ranijoj najavi i obećanju da, zbog poskupljenja plina, povećanje cijene centralnog grijanja neće biti veće od 10 posto od trenutne cijene, kao i da će uz subvencioniranje dijela poskupljenja plina, Vlada zaštititi od udara i korisnike usluga Toplana. „Iako je Nezavisno tijelo predložilo Vladi uvećanje dosadašnje cijene centralnog grijanja za 13,2 posto, Vlada je ostala pri svom stavu da to poskupljenje neće biti veće od 10 posto, jer im je primarni interes zaštititi građane. Podsjetimo i da je Vlada KS već subvencionirala polovinu uvećanja cijene gasa za građane, korisnike usluga Sarajevogasa, a koje od 01. januara prošle godine iznosi 37 posto.

S obzirom na to da je Vlada Kantona Sarajevo subvencionirala cijene gasa u određenom procentu za prva tri mjeseca prošle godine za korisnike koji koriste ovaj energent za zagrijavanje i korisnike Toplana Sarajevo, te da je u Budžetu KS izdvojen značajan iznos za tu namjenu, tražim da se i ostalim građanima našeg kantona subvencioniraju ostali energenti ekološki prihvatljivi za zagrijavanje, kao što su drva za ogrijev, pelet i ostali ekološki prihvatljivi energenti a čija je cijena uvećana više od 30% u odnosu na dosadašnju cijenu.

Vlada Kantona Sarajevo je donijela odluku za prošlu grijnu sezonu da će se subvencionirati samo troškovi korisnika koji koriste gas kao energent za zagrijavanje i korisnike usluga Toplana Sarajevo, što predstavlja diskriminaciju prema ostatku stanovništva KS koji koriste druge energente za zagrijavanje, kao što su drva ili pelet, a podsjetimo se da su cijene metra drva za ogrijev i tone peleta kao jednog od „najpopularnijih“ energenata za zagrijavanje kod našeg stanovništva u stalnom cijenvnom rastu. Smatram da bi Vlada Kantona Sarajevo zajedno sa premijerom Ukom trebala obezbijediti novčana sredstva za subvenciju preostalog dijela stanovništva, koji nisu priključeni na gasnu mrežu i Toplane Sarajevo.

Postoje domaćinstva, posebno rubnih dijelova Kantona Sarajevo, koja nemaju mogućnost priključka na gasnu mrežu ili Toplane, te moraju koristiti druge energentne za zagrijavanje, a da im niko ne pomaže u vidu subvencije za njihovu nabavku. Ovdje je očigledno riječ o diskriminaciji stanovništva, posebno rubnih dijelova našeg kantona, a svjesni smo činjenice poskupljenja energenata za zagrijavanje čak i preko 30%.

S obzirom da su bila obezbijeđena novčana sredstava za subvenciju za korisnike gasne mreže i Toplana Sarajevo u KS, smatram da su novčana sredstva nesrazmjerno raspoređena, jer su se jednako subvencionirala domaćinstva koja „preživljavaju“ od tri stotine konvertibilnih maraka, kao i domaćinstva čiji prihodi prelaze tri hiljade KM.

Ako su ministri i premijer koji imaju preko 3000 KM primanja donijeli odluku da sebi subvencioniraju grijanje u prošloj grijnoj sezoni, tražim da na isti način nova Vlada obezbijedi subvencioniranje grijanja i ostalim građanima KS za narednu grijnu sezonu bez obzira na to što nisu korisnici usluga Sarajevogasa i Toplana a koji imaju ili minimalna primanja ili ih nemaju nikako.

Molim da Vlada Kantona Sarajevo što prije razmotri ovu inicijativu u korist građana i da zaustavi diskriminaciju.

Zastupnica Admela Hodžić